



Thyziana de Cuba y Alyenne Boekhoudt nos Reinanan Infantil y Hubenil 2008



DIABIerna un tiki promer cu mei anochi e resultadonan di eleccion di Reina Infantil y Reina Hubenil a cuminsa wordo anuncia. For di cuminsamento caba por a mira cu e candidata di Oranjestad, Thyziana de Cuba tabata un di e favoritanan pa Reina Infantil, y esaki a keda demonstra tambe den e cantidad di premionan cu el a bai cune. El a bai cu corona di Reina Infantil, pero tambe a keda elegi como candidata mas popular, mihor speech y mihor show.

Rudyenne Lejuez di Jolly Kids a keda como runner-up infantil y tambe a bai cu e premio di best costume. Jaycee Diaz di Seal Scouting Aruba; Aishlin Carrasquero di Wizz Kids y Guinevere Chatlein di Sunrrise Carnival Group a keda como tercera finalista. Algo cu sigur a cai den bon tera serca tur hende, pa asina duna e mucha

muhernan aki un reconocimiento pa nan participacion y no laga ningun afor.

Pa Reina Hubenil Alyenne Alysha Boekhoudt di TOB Carnival Group a sa di bai cu e titulo maximo y tambe cu e premio di best costume. Promer finalista tabata Edilienne Stenebome di Noord, kende tambe a logra e premio di best speech. Dayreen Maduro di San Nicolas a bai cu e premio di best show y Miss Focus Teens. Pabien na tur e participantenan.

